

Na osnovu člana 2. Zakona o Registru vrijednosnih papira («Službene novine Federacije BiH», br.39/98, 36/99 i 33/04), člana 185. stav 1. tačka a. i člana 190. stav 2. Zakona o tržištu vrijednosnih papira ("Službene novine Federacije BiH" broj 85/08), člana 52. stav 1. tačka d) Zakona o investicijskim fondovima ("Službene novine Federacije BiH", broj 85/08) , člana 61. Pravilnika o posredovanju u poslovima s vrijednosnim papirima ("Službene novine Federacije BiH", br. 34/09,1/10, 31/10, 53/13, 27/14 i 35/14), člana 57. Pravila Registra broj: 04-1-NO-31-13373/15 od 23.10.2015. godine i člana 45. tačka 16. Statuta Registra vrijednosnih papira u Federaciji BiH ("Službene novine Federacije BiH, br: 26/09 i 44/11), Nadzorni odbor Registra vrijednosnih papira u Federaciji Bosne i Hercegovine na 31-oj sjednici održanoj 23.10.2015. godine, na prijedlog Uprave Registra, donio je:

O D L U K U

o izmjeni i dopuni Uputstva o načinu otvaranja i vođenja računa vrijednosnih papira u sistemu registracije kod Registra vrijednosnih papira u Federaciji BiH

I

U Uputstvu o načinu otvaranja i vođenja računa vrijednosnih papira u sistemu registracije kod Registra vrijednosnih papira u Federaciji BiH, broj : 04-2-NO-XXVIII-5207 /09 od 28.10.2009. godine, broj: 04-2-NO-XXXVI-3420/10 od 27.07.2010. godine i broj: 04-1-NO-V-7098/11 od 31.05.2011. godin, u tački 6.6 stav 6. mijenja se i glasi:

„Banka skrbnik/depozitar mora do 10.00 sati drugog radnog dana nakon sklapanja poslova s vrijednosnim papirima (T+2), kupljene i prodane vrijednosne papire alocirati sa grupnog skrbničkog računa na račune iz tačke 6.3. ovog uputstva.“

II

U tački 4.6. stav prvi, tekst „u skladu sa Uputstvom o postupku registracije prijenosa pozajmljenih vrijednosnih papira kod Registra vrijednosnih papira u Federaciji BiH“ mijenja se i glasi: „ u skladu sa Uputstvom za poslove obračuna i poravnanja u okviru prijenosa vrijednosnih papira po osnovu poslova zaključenih na burzi ili drugom uređenom javnom tržištu.“

U tački 4.6. dodaje se stav 5. koji glasi:

„Poseban račun stranke - za kupovinu/prodaju vrijednosnih papira u postupku prisilne kupnje (buy-in) i prisilne prodaje (sell out), je račun vrijednosnih papira koji otvara Registar na ime Registra pri članu za koji se vrši prisilna kupnja/prodaja vrijednosnih papira, u skladu sa Uputstvom za obračun i poravnanje u okviru prijenosa vrijednosnih papira po osnovu poslova zaključenih na burzi ili drugom uređenom javnom tržištu, a vrijednosni papiri na ovom računu ne predstavljaju imovinu Registra.“

III

Ova Odluka stupa na snagu danom izdavanja saglasnosti Komisije, a primjenjuje se od 01.01.2016. godine.

IV

Ova Odluka objavljuje se na web stranici Registra : www.rvp.ba i dostavlja se članovima sistema Registra putem e-maila.

Broj : 04-1-NO- 13376 /15
Sarajevo, 23.10.2015. godine

Predsjednik Nadzornog odbora
Registra vrijednosnih papira

Alem Laličić

Na ovu Odluku Komisija za vrijednosne papire Federacije BiH dala je saglasnost rješenjem, broj: 04/1-19-298/15 od 12.11.2015.godine.